

Ljudska prava u oblasti okoliša i održivog razvoja



Ljudska prava u oblasti okoliša i održivog razvoja

POJMOVI

Okoliš jeste skup prirodnih i stvorenih vrijednosti čiji kompleksni međusobni odnosi čine okruženje, odnosno prostor i uslovi za život.

Kvalitet okoliša jeste stanje okoliša koji se iskazuje fizičkim, hemijskim, biološkim, estetskim i drugim indikatorima.

Prirodne vrijednosti jesu prirodna bogatstva koja čine vazduh, voda, zemljište, šume, geološki resursi, biljni i životinjski svijet.

Zaštićeno prirodno dobro jeste očuvani dio prirode posebnih vrijednosti i oblika (geodiverziteta, biodiverziteta, predjela, pejzaža i dr.), koji imaju trajni okolišni, naučni, kulturni obrazovni, zdravstveno-rekreativni, turistički i drugi značaj, zbog čega kao dobro od opšteg interesa uživa posebnu zaštitu.

Javno prirodno dobro jeste uređeni ili neuređeni dio prirodnog bogatstva, odnosno vazduha, vodnih dobara, priobalja, podzemnih dobara, šumskih dobara, predjela, ili prostora jednako dostupan svima.

Aktivnosti koje utiču na okoliš jeste svaki zahvat, stalni ili privremeni, kojim se mijenjaju, ili mogu promjeniti stanja i uslovi u okolišu, a odnosi se na: korištenje resursa i prirodnih dobara, procesa proizvodnje i prometa, distribuciju i upotrebu materijala, ispuštanje zagađujućih materijala u vodu, vazduh ili zemljište, upravljanje otpadom ili otpadnim vodama, kemikalijama i štetnim materijama, buku i vibracije, jonizirajuće i nejonizirajuće zračenje, udese.

Zagađivanje okoliša jeste unošenje zagađujućih materija, ili energije u okoliš, izazvano ljudskom djelatnošću ili prirodnim procesima koje ima, ili može imati, štetne posljedice na kvalitet životne sredine, ili zdravlje ljudi.

Zagađivač jeste pravno, ili fizičko lice koje svojom aktivnošću, ili neaktivnošću zagađuje životnu sredinu.

Degradacija životne sredine jeste proces narušavanja kvaliteta okoliša koji nastaje prirodnom, ili ljudskom aktivnošću, ili je posljedica nepreduzimanja mjera radi otklanjanja uzroka narušavanja kvaliteta, ili štete po životne sredinu, prirodne, ili radom stvorene vrijednosti.

Javnost jeste jedno ili više fizičkih ili pravnih lica njihovih udruženja, organizacija ili grupe.